



Broj:
Maglaj,

PRIJEDLOG

Na osnovu člana 18, 32. i 55. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), člana 9. Poslovnika o radu Općinskog vijeća Maglaj – prečišćen tekst („Službene novine Općine Maglaj“, br. 2/9, 1/13 i 2/13), člana 28. i 29. Odluke o izvršavanju Budžeta/Proračuna Općine Maglaj za 2024. godinu („Službene novine Općine Maglaj“, broj: 15/23), Općinsko vijeće Maglaj na ___ redovnoj sjednici, održanoj _____ godine, donosi

ODLUKU

**o visini i načinu isplate naknada općinskim vijećnicima,
predsjedavajućeg, zamjenika predsjedavajućeg /dopredsjedavajućeg i
naknada članovima radnih tijela Općinskog vijeća za 2024. godinu**

Član 1.

Ovom Odlukom utvrđuje se visina i način isplate naknade za obavljanje vijećničke funkcije, funkcije predsjednika klubova, visina i način naknade za obavljanje funkcije predsjedavajućeg, zamjenika predsjedavajućeg/dopredsjedavajućeg (u daljem tekstu izabranih zvaničnika). Odlukom se, također, utvrđuje iznos naknade za prisustvo i učešće u radu radnih tijela Općinskog vijeća Maglaj (u daljem tekstu: Općinsko vijeće).

Član 2.

Pod naknadama iz člana 1. ove Odluke podrazumijevaju se :

- a) mjesečna naknada vijećnika (paušal)
- b) naknada vijećnicima za prisustvo sjednicama Općinskog vijeća
- c) naknada članovima radnih tijela za učešće u radu.

Član 3.

Izabrani zvaničnici imaju pravo na stalno mjesečno primanje (paušal). Naknade za obavljanje funkcije izabranih zvaničnika Općinskog vijeća utvrđuje se u procentualnom iznosu prosječne neto plaće isplaćene u Federaciji BiH prema posljednjem objavljenom statističkom podatku prije donošenja Budžeta Općine Maglaj za 2024. godinu koje iznose:

- 50% za predsjedavajućeg Općinskog vijeća
- 40% za zamjenika predsjedavajućeg /dopredsjedavajućeg Općinskog vijeća
- 30% za predsjednike klubova vijećnika
- 25% za vijećnike Općinskog vijeća

Član 4.

Naknada izabranim zvaničnicima za prisustvo sjednicama Općinskog vijeća iznosi 100,00 KM po održanoj sjednici.

Ukoliko se sjednica Općinskog vijeća prekine, izabranim zvaničnicima za nastavak sjednice pripada naknada u visini od 50% od naknade iz prethodnog stava.

Ako nastavak sjednice traje duže od 3 sata istim pripada naknada u iznosu iz stava 1. ovog člana.

Evidenciju o prisustvu sjednicama vodi nadležna služba a na osnovu odredbi Poslovnika o radu Općinskog vijeća.

Član 5.

Utvrđuje se naknada članovima radnih tijela za učešće u radu, tako da visina naknade po sjednici iznosi:

- 40,00 KM za predsjednika
- 30,00 KM za članove.

Isplata novčane naknade za obavljanje dužnosti člana radnog tijela Općinskog vijeća utvrđuje se na osnovu izvještaja o radu radnih tijela.

Evidenciju iz prethodnog stava vodi nadležna služba, a na osnovu odredbi Poslovnika o radu Općinskog vijeća.

Član 6.

Neopravdano prisustvo sjednicama smatra se svako neprisustvovanje sjednici koje nije najavljeno i obrazloženo razlozima neprisustvovanja i koja nisu verifikovana na sjednici Općinskog vijeća.

Neopravdano prisustvovanje sjednici Općinskog vijeća smatra se i ako vijećnik bez opravdanog razloga ne prisustvuje sjednici Općinskog vijeća duže od 50 % efektivnog trajanja određene sjednice Općinskog vijeća.

Član 7.

Isplata naknade iz člana 4. ove Odluke vršit će se na osnovu evidencije o prisustvu vijećnika radu sjednice Općinskog vijeća, a naknada iz člana 5. isplaćivat će se periodično na osnovu izvještaja o o radu članova radnih tijela.

Član 8.

Za realizaciju ove Odluke zadužuje se Općinski načelnik, Služba za privredu, finansije/ financije i razvoj poduzetništva i Služba Općinskog načelnika i Općinskog vijeća.

Član 9.

Ova Odluka će se primjenjivati od 01.01.2024. godine i bit će objavljena u „Službenim novinama Općine Maglaj“.

PREDSJEDAVAJUĆA

Aida Bašić

O b r a z l o ž e n j e

PRAVNI OSNOV

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Članovi radnih tijela Vijeća imaju pravo na naknadu za svoj rad i druga prava utvrđena odlukom Vijeća u skladu sa zakonom, a što je propisano člano 32. Statuta Općine Maglaj – prečišćen tekst.

Također je članom 55. Statuta Općine Maglaj – prečišćen tekst propisano da vijećnik ima pravo na naknadu za rad u Vijeću i druga prava za vrijeme vršenja funkcije vijećnika. Članovi radnih tijela imaju pravo na naknadu za rad u tim tijelima. O pravima iz stave (1) i (2) odlučuje Vijeće.

Članom 9. Poslovnika o radu Općinskog vijeća Maglaj – prečišćen tekst („Službene novine Općine Maglaj“, br. 2/9, 1/13 i 2/13) definisana je Naknada za vršenje dužnosti vijećnika, odnosno vijećnik ima pravo na naknadu za rad u Vijeću, kao i druga prava u skladu sa Statutom Općine Maglaj.

U članu 28. Odluke o izvršavanju Budžeta/Proračuna Općine Maglaj za 2024. godinu propisano je da će se sredstva sa pozicije „Naknade općinskim vijećnicima“ koristiti na osnovu Odluke o visini i načinu isplate naknada općinskim vijećnicima, koju donosi Općinsko vijeće.

Članom 29. navedene Odluke propisano je da će se sredstva sa pozicije „Naknada članovima komisija Općinskog vijeća“ koristiti na osnovu Odluke o visini naknade članovima komisija Općinskog vijeća kao radnim tijelima, koju donosi Općinsko vijeće.

Naknade za obavljanje funkcije izabranih zvaničnika Općinskog vijeća utvrđuje se u procentualnom iznosu prosječne neto plaće isplaćene u Federaciji BiH prema posljednjem objavljenom statističkom podatku prije donošenja Budžeta Općine Maglaj za 2024. godinu.

Budžet Općine Maglaj donesen je 28.12.2023. godine, a posljednji statistički podatak za prosječnu neto plaću prije donošenja Budžeta je objavljen u Službenim novinama Federacije BiH broj: 98/23 od 20.12.2023. godine i iznosi 1.285,00 KM.

S tim u vezi, utvrđene su naknade i to za predsjedavajuću Općinskog vijeća 50%, za zamjenika predsjedavajućeg/dopredsjedavajućeg Općinskog vijeća 40%, za predsjednike klubova vijećnika 30%, a za vijećnike 25% prosječne neto plaće Federacije BiH.


RAZLOZI ZA DONOŠENJE

S obzirom da se Odluka donosi na godišnjem nivou, potrebno je da Općinsko vijeće Maglaj razmotri i donese Odluku o visini i načinu isplate naknada općinskim vijećnicima, predsjedavajućeg, zamjenika predsjedavajućeg /dopredsjedavajućeg i naknada članovima radnih tijela Općinskog vijeća za 2024. godinu.

FINANSIJSKA SREDSTVA

Za realizaciju ove Odluke osigurana su finansijska sredstva u Budžetu Općine Maglaj za 2024. godinu.

Obradivač: Emina Hasanić



PREDLAGAČ
OPĆINSKI NAČELNIK

Mirsad Mahmutagić

